

## 毋通看貓的無點

先講一 e5 案例。有一工，有一對 song5song5 的老翁仔某去拜訪哈佛的校長，校長根本無想欲接見，以為怠慢著會當趕走人客。誰知，因為後生讀哈佛意外往生的老翁仔某，真有誠意欲捐錢來紀念 in1 後生，就一直等。校長誠不得已接見趕袂走的人客，佇看人無起的言詞中透露「起一間哈佛總仔共仔愛 750 萬呢？」老翁仔某心內想「750 萬爾！」in1 告退了，決定家己起一間----史丹福大學就是按呢產生的。

閣講一 e5 案例。有一 e5 瓜地馬拉的印地安原住民，去到墨西哥總統接待貴賓的珊瑚潭大飯店。慣勢看原住民無起的飯店服務人員，認為伊是一 e5 乞食，欲將伊敢出去。好得佳哉，當場有人認出伊是 1992 年諾貝爾和平獎得主，是總統邀請來的，才順利入場參加會議。

假是人，就會無自覺看人的外表、穿插，就會看貓的無點，這-無分年紀、學歷。根據研究，三歲囡仔著會以人的皮膚色判斷好人、歹人。當然，這種判斷和哈佛校長、飯店服務人員的判斷無啥物差別，錯誤較濟。

台諺講，毋通看貓的無點，和哲學家講存在著有價值，意思 siang7 款。所以咱看任何一 e5 人，猶袂看出人的優點以前，請恬恬！